


鄆陵縣志

第八冊

卷十九 藝文志五 詩 賦

卷二十 藝文志六 金石 經籍

卷二十一 雜誌 叢記 祥異



漢書門

九

八

四

架 函 號 類


共八本

內閣文庫

九〇八五

架 冊 號

內閣文庫	
番號	漢 9085
冊數	8 (8)
函號	292113



鄢陵縣志卷之十九


藝文志五

詩

詞

賦

淺草文庫



古者輜軒之採下逮歌謠志之有詩實權輿于此

鄢邑無名勝為題詠所不及且地僻鮮稅駕者鄉

望如晉之庾氏而宦遊四出所傳僅蘭亭脩禊諸

詩又不關志乘故自宋以上殊無所表見舊志強

列孟襄陽送人之房陵一詩改山川二字為鄢陵

不免貽譏識者悉刪去之而以韓范二公之詩冠

首豈不足為邑乘光哉至於

國朝之汪鈍翁葉子吉漁洋兄弟諸公皆敲金戛玉益足以增重矣舊志無詞賦今依類附之聊以備體云爾志詩賦

詩

宋

次韻和崔象之寺丞西亭雨下

補

韓

琦

安陽人

初暑軒牕覆翠陰更宜飛雨濯塵襟喜花添色自人意為歲期豐獨帝心餘潤日隨和氣浹好聲時逐遠風沉郊原徧採農家議一寸真如一寸金

覽崔象之寺丞詩編

補

韓

琦

驚人佳句本天成艷格清竒不易評秋月照空澄萬景落花無品盡多名珠藏赤水搜求苦礦出黃金鍛鍊精郊廟有歌猶未採只輸高興寫幽情

崔象之中舍宰陽翟

舊志

韓

琦

君於榮利已恬然此治韓城屬薦賢惠政卽隨春共煦道心常與月同圓門疎俗客禪詮遠亭掩修篁定力堅君第有小亭竹徑蕭然君終日危坐於此思退幾人書上籍可容名記託新篇君有休官簿與君同約者則書之

崔象之宰韓城 補

韓琦

去年同舉菊花觴自揭清音入醉鄉此日高秋來一別
幾旬佳節負重陽風生古操安新治雨徹疎茅鎖舊堂

君治之東齋也民里更繁應自化宰君心地本空王

寄崔象之國博 補

韓琦

知君爲邑解銅章却復先廬坐葆光對境風幡俱不問
安禪心法兩皆忘滿庭修竹爭高節近砌幽蘭稱獨芳
若論厭喧遭柱杖何如趣駕返周行

次韻答崔公孺國博 補

韓琦

向陪亡室鶴鴿原正是輕霜九日天醉語忘形幾爾汝
詩豪揮紙速雲烟思窮碧落今無術淚灑黃花兩換年
一覽嘉章生百恨孤懷還昧覺心圓

次韻答崔公孺國博西亭感懷 補


韓琦

常喜交親燕此中忽移歡緒作悲翁桃陰已盛何曾語
檜影長閒不厭風數漏起朝心拱北忍饑開閣客盈東
人生易別須偷暇爲我樽前話苦空

留崔公孺國博 舊志

韓琦

虛亭還喜叩禪詮頓覺襟懷鄙吝捐陶暑屢開河朔飲



聚星看別潁川賢我縻東府成衰叟君向西湖卽洞天
且緩歸期時一笑及瓜趨闕動三年

次韻和崔公孺國博西亭感懷補 韓琦

常虛西館待高賢一見襟懷兩釋然且叩真詮期進道
不論衰鬢逐凋年頑金在礦須煩變逸驥無鞭亦自前
相約屢辭雖未得已齊朝市與林泉

貽崔公孺國博補 韓琦

三十年來契分隆更從親炙達真空明非獨善諸昏破
理到無心萬世通莫話離悰傷祖席且留歡刻醉春風

海棠亭下花看發坏子胭脂點點紅

次韻和崔公孺國博遊興國寺廣嚴院舊志

韓琦

紺園南北壓通寰氣象超然出世間只見莊嚴尊十地
不須微瑣說三山浮雲自縛春春失真境無塵事事閒
我有歸依殊勝願吏文常擾幾時還

次韻答崔公孺國博西亭燕飲補 韓琦

一稔繁機困備員芳時何暇日春妍自慙東閣延才地
得會西豪聚里賢益友至言皆有味禪宗高論邈無邊

須知樽酒相留意老去離懷異少年

次韻和崔國博西亭喜雨

補

韓琦

暑雨滂然僅作霖連宵殊未煦陰森全祛下土將焚患
盡識高穹不忍心斗厭埃氛開衆目了無煩熱自吾襟
當軒倍勝松風過何必清音一弄琴

以上安陽集

首夏西亭

舊志

韓琦

一霎輕塵小雨過園林風物尚清和巢棲舊燕將成子
盆植新蓮未出荷欲就好峯添異石惡侵芳卉鬪狂莎
病襟蕭索賓如市孤負良辰樂事多

按韓魏公安陽集與崔寺丞倡和詩三十餘首不能盡載擇其有關人地者錄之

太清觀

舊志

范仲淹

醜石危松半綠蘿函關真相玉嵯峨誰言仙道求難至
自媿陰功積未多渺渺雲霞開絳節雝雝鸞鳳答空歌
幾時身退瓊壇畔榮利匆匆柰老何

書鄆陵王主簿所畫折枝二首

補

蘇軾

論畫以形似見與兒童鄰賦詩必此詩定非知詩人詩
畫本一律天工與清新邊鸞雀寫生趙昌花傳神如何
此兩幅疎澹含精勻誰言一點紅解寄無邊春

瘦竹如幽人幽花如處女低昂枝上雀搖蕩花間雨雙
翎決將起衆葉紛自舉可憐採花蜂清蜜寄兩股若人
富天巧春色入毫楮懸知君能詩寄聲求妙語

見東坡集

按二詩雖無關志乘然鄢陵王主簿之名賴以傳且知鄢之有主簿不自元宋始也舊志失載故亟錄之

元

鄢南別客 補

馬祖常 光州人

稜層林表白浮圖古鄢城高旅望孤秋雨喜沾梁土麥
暝煙愁合楚田蕪行人北上隨沙鴈歸客南還對渚鳧

溱洧波清多草樹百年生聚尚繩樞

見石田集

鄢陵經進士李伯昭墓 補

雅琥 可溫人

激烈山陽笛淒涼祖逖鞭才高天不惜命薄世空憐故
里一邱土荒城五畝田雖云有宿草寧忍不潸然

見正卿集

鄢陵 補

陳孚 臨海人

鄢陵昔構兵萬騎夜流血一矢忽飛來射落楚山月哀
哉公子側戰骨當速朽胡爲三日穀易此半樽酒我今
不飲酒但飲落月光晉楚杳何處雉鳴煙茫茫

見岡中交州集

太清觀 補

丙吉 河東人

玉川佳處太清家林宇幽深靜物譁五夜金盤明曉露
九重絳闕燦朝霞休驚老鶴來華表且聽孺童唱撒花
今夕碧梧枝上月只應偏照客星槎

見元詩選

明

鄆陵懷古 舊志

薛瑄 河汾人

正馬西來歲暮時重過陳實道傍祠德星亭古留遺趾
鳴鳳聲遙有舊陂閱世彭篋岡尚在興唐如晦塚空遺
更看風土淳龐處千載猶傳孝子詩

送孫先生俊致仕歸鄆陵

補

薛瑄

先生七十引年歸送別都門柳絮飛潞水東風斜捲幔
金臺晚照遠衞衣收功桃李心初遂行樂桑榆志未違
况復潁川多故事到家爭仰德星輝

歸老儒官七十餘扁舟唯載舊詩書泥融野岸晴飛燕
飯熟行庖曉薦魚花柳風煙新歲月桑麻雨露舊村墟
到家處處堪行樂應有兒童爲挽車

彭祖岡南古潁川先生茅屋尚依然甘貧已道爲官好
勇退爭誇引老賢歸路載添新白髮到家唯有舊青氈
耆英洛社如堪結留取風流久遠傳

以上見河汾集

鄆陵懷古 舊志

孫子良

鄆陵原上草連坡
疋馬行行柰遠何
百里桑麻沾雨足
滿園桃李得春多
錢鏐遺塚煙霞在
曹操荒臺麋鹿過
更向郭中等故事
邑人偏解說甘羅

登曹操議臺 舊志

劉昌

荒臺倚平野
巍巍切高寒
西風披蔓草
零露晨未乾
緬當漢獻時
紀綱不復完
伊誰為厲階
侵攘搆兵端
縛虎既就殪
效尤及曹瞞
整旅向京洛
欺天號迎鑾
還復坐此臺
集議圖所安
指顧汝潁間
已築受禪壇
卑辭歛之

紹師考致坐觀荀生昧先幾
磬折投彼歡北海慷慨士
殺身不為難班班盜漢迹
粉飾慚儒冠遂令登臺者
千古滋浩歎

太清觀 舊志

劉昌

乘龍西去不堪招
遺宅荒涼在近郊
地上有碑牛礪角
墻頭無樹鶴營巢
雲開廢井丹光出
月映重關紫氣交
却有道人傳舊法
夜深朝禮奏仙匏

夏孝子榮 舊志

梁俯

結廬親塚倚荒陂
朝夕如存夢寐思
花落烏啼三載易

霜寒露冷寸心悲勿驚野火風回滅還喜新松鹿護持
孝感應傳青簡裏凭軒更誦蓼莪詩

送大尹焦君復任詩并序

舊志

張

睿

邑人

景泰丙子尹以國學上選來牧鄢惠政廣施人
心悅服甫三年遭內艱去民挽留不可得天順
癸未尹服闋邑父老詣京乞留復除舊任予喜
吾邑得仁尹以終惠吾民于其別也賦詩以贈
寬仁爲政羨才優共惜丁艱去莫留復任新承天子命
重來深慰邑民憂絃歌百里風還古禾黍千村歲有秋

此去琴堂應卧治棠陰仍聽舊時謳

鄢陵懷古

補

曹

汴

江陵人

一入鄢陵望眼迷山川因感昔人非浪傳彭祖昇仙去
不見甘羅拜相歸宿草尚疑如晦墓秋風誰掩許由扉
登高轉覺增惆悵聒耳寒蟬送夕暉

過彭祖墓

補

曹

汴

世傳彭祖術通玄壽筭曾過八百年只料飛身朝紫府
那知遺塚在黃泉月明華表歸來鶴春暖丹臺叫杜鵑
眼底神仙尚如此勞身何必煉凡鉛

賡鄢陵懷古補

焦珵邑令

余於彭祖廟壁見提學檢憲柳江曹公詩爲刻
諸石復和其韻

鄢邑登臨思欲迷當年城郭已知非名賢尚想人何在
華表空憐鶴未歸漆井泉深遺勝跡德星臺古掩閒扉
題詩對境多傷感惟有青山共落暉

賡過彭祖墓補

焦珵

遐齡八百妙叅玄棄世猶看有盡年松老龍鱗同歲月
墳封馬鬣伴林泉高名已羨推商代遺恨應知托杜鵑

尚想蓬萊千載客秘傳何術用真鉛

許由古塚

以下八詠詩
皆見舊志

張琳華亭人

讓位唐虞事絕倫寓言巢許迹皆陳箕山有墓空如斧
潁水無風淨不塵葉底綠匏仍裊露隴頭黃犢自耕春
高蹤千古真堪訓後世何多受禪臣

彭祖岡

張琳

元氣當年萃有商錢鏗遺廟儼崇岡神遊天地三千劫
顏駐春秋八百長宿草尚含莖露白寒林空見鼎煙蒼
時人未得延生術只說能餐雲母方

甘羅嘉樹

張琳

塚蟠綠樹蔭，衡茅風起丹楹雜。鼓鏡喚友黃鸝春，隔葉避人玄鶴曉。離巢烟凝野色遙，通漢影帶川光近。映郊道左軒車似流水，猶疑五乘出秦嶺。

杜墓晴煙

張琳

唐相玄廬在萬年，鄢墟華表訝孤阡。松陰鬱鬱青含露，草色萋萋碧帶烟。一徑野花春夜雨，數聲啼鳥夕陽天。城闌回首懷前哲，不是臨碑有悵然。

議臺夜月

張琳

閒行草野駐雙旌，坐看金臺欲二更。東漢赤龍天外去，南林烏鵲月中鳴。角喧永夜孤吟壯，露下空臺百感生。北望西陵隔漳水，淒風如遞管絃聲。

羣岡矗秀

劉訥 邑人

驅馬春郊送日寬，孤城杳靄衆岡攢。紅鋪仄逕堪携杖，翠繞層樓欲倚欄。彭阜出雲嵩少近，德星傍月斗牛寒。地靈從古鍾賢俊，更俯雙溝玩碧湍。

雙泊拖藍

劉訥

百里鄢墟二水橫，憑高北望浦雲平。蔚藍直見天同色，

野雪何妨棹獨行
修禊自矜春服麗
濯纓寧謝漢江清
却防山雨添秋漲
隴畔時聞太息聲

漆井賢鄉

劉 訥

青郊七里太邱宅
古井千年寒碧深
春曉桔槔無甕抱
夜闌風雨有龍吟
花亭坐喜陰常覆
漆甃行看土半侵
祠下軒車頻弔古
賢名詎共汲餅沉

鳳陂治迹

劉 訥

鳳去千年陂已荒
潁川猶自頌洋洋
次公豈布西周政
循吏能令漢史香
主聖祇今方駕舜
臣賢何患不徵黃

孝宣名實能綜核
別舍馬容有鷗翔

甘羅古棗

劉 訥

甘羅祠下豁塵襟
古棗驚看倍爽神
曉霧氤氳迷馬鬣
秋風彷彿動龍麟
才猷未可輕年少
野史譌傳蚤相秦
却笑婆婆司馬樹
苔埋菌壓弔詞人

嶽廟靈湫

劉 訥

龍女曾聞解弄珠
靈池復此迅飛鳧
神光夜出龜鼉窟
雲氣時騰冰玉壺
歲旱舞雩何用禱
民生涓滴自能蘇
丈夫未受商霖託
謾擬全功可並驅

湖檻荷風

劉 訥

崔氏湖亭西郭西水天一色勝玻璃紅蕖萬朶開相並
白鷺一羣飛欲齊解珮恍如游女度泛舟焉得杜陵携
壺觴自爲清時樂不比杭人醉眼迷

議臺夜月

劉 訥

繁昌碑未移炎祚議事臺先築古鄆瓦礫可憐劉氏土
蒿萊猶戀漢宮烟殘冬深月藏霜鬼落日平蕪下野鷺
贏得一方明月在阿瞞心膽照千年

羣岡蠹秀

陳 溥 邑人

南山幽意寄西風一啟高牕遠色重小酌微熏啼鳥去
獨回殘日挂煙中

鳳陂治跡

陳 溥

鳳去迢迢陂竹寒暮雲斜日望長安太平天子憂民事
欲比郎星疏漢官

嶽廟靈湫

陳 溥

一泓寒闕浴靈臺過盡行雲青鏡開烏護金光驅墮葉
爭啣飛去復飛來

湖檻荷風

陳 溥

湖邊小檻竹雲低荷外香風晚欲迷擬結羅裙賡一曲
大堤人去草萋萋

議臺夜月

陳溥

銅雀深沉館翠娥夜臺微月漫經過將軍幾事今來密
頗謝元戎車乘多

羣岡蠹秀

陳棐 邑人

層疊繞孤城遙看蒼翠橫雲連嵩少動影抱洎河明綠
野便龍卧青霄宜鳳聲皇家同與固千載頌昇平

雙洎拖藍

陳棐

渺渺錦紋行虹垂綠漲平波光堤影動沙出浪痕輕共
願爲霖沛同期到海清孤舟橫渡處幾欲濯塵纓

漆井賢鄉

陳棐

中土生賢地淵泉道脉真銀床圍古甃桐葉對秋旻漢
代儀容舊明時祭典新德星映寒冽瞻禮愧前人

鳳陂治跡

陳棐

苞彩今何在陂空草自秋碧梧空月影翠竹祇烟浮昔
爲賢良至曾聞郊藪遊垂衣方聖治宜向九重樓

甘羅古棗

陳棐

于秦獻竒策十二荷朝簪人已歸蒼蘚魂猶抱赤心禽
聲啼密葉螭影動疎陰却羨仲連子解紛辭萬金

嶽廟靈湫

陳棐

混沌何年鑿陰森水府寒騰光搖碧殿澄影浸瑤壇白
日蛟龍起蒼生雨澤寬神功原鎮靜終不動波瀾

湖檻荷風

陳棐

城隈雲樹涼一鏡泛湖光碧構雙臺迥紅蕖十里香曉
岡橫地出秋水接天長此境亦云樂人方憂廟堂

議臺夜月

陳棐

魏武窺炎鼎登臺此大詢不為劉氏計同愧漢家臣明
月一輪滿奸謀萬古真崇高亦傾謝銅雀已成塵

園亭卽事

舊志

陳棐

為適烟霞趣來尋詩社盟客憐花共笑人傍月同清頻
勸樽中物休誇身外名駐顏須大藥滄海易遷更

胡鶴臯東園用王龍岡邑侯韻

陳棐

片片花飛逐水東尚餘崖桂小山叢玉琴調月心同遠
白鶴盤霄勢欲翀三逕謾勞誇蔣詡一亭端不數揚雄
看君似是青城客仙侶重來勝地中

送胡三原陞四川少叅 舊志

陳棐

十二年來玉笋行每趨金殿侍清光
仙堦初引三曹履
郎秩終含兩署香
菊蕊有情離席艷
薇花得地錦城芳
看君籠鶴將琴去
萬壑松風閣道長

咏白櫻 舊志

梁克順 邑人

麗日麥風清扶筇緩出城
窺園逢玉李薦果得瑤櫻
冰乳沾喉冷玻光拂檻生
從來惟赤顙異種絕山瀛

城北橋成 舊志

梁克順

秋霖一漲失平原日聽漁歌
在北門露藁千村冬未穫
霜舫兩岸夜猶喧築巖定
感明王夢涉濟時懷衆母恩
正是西風當十月徒杠成處
頌聲繁

郊居 舊志

梁廷棟 邑人

歲晚櫪猶伏清秋帙可繙
客來惟問字官過不窺軒
細草斜侵案長林曲蔽垣
子雲甘寂寞莫擬辟疆園

後中秋劉以成蘇子相集南園 舊志

梁廷棟

卜築開三徑過從澹月暉
蒹葭浥露重鷗鷺隱波微
閨氣餘黃葉流光滴翠帷
琳瑯方借色戀賞莫言歸

壬申觀水 舊志

梁廷棟

桑田突兀變龍渦白社青樽一汎槎遂有石尤來鼓浪
將無玉女又披霞占秋正得禾頭耳擅壑時聞井底蛙
牛劣不須嗟道澗坊門宰相挽天車

杜郎遊賞

舊志

梁廷棟

端居何事負芳春春到林間命屐頻劇有烟花隨曉騎
喜無猿鶴怨歸人短牆過酒鄉情熱活水燐蔬土味新
爲想五郎蕭寂意菟園梓澤跡俱塵

賊有索印信手本者故書

補

劉振之

邑令

余世受國恩欲令余覩顏從賊死不爲也余死

令鄙人知死守之義頭可斷志不可奪庶幾以

死存鄙也夫

浙米向矛頭枕戈卧城闕之死矢靡他誓灑一腔血

寄懷鄭潛庵先生

舊志

阮漢聞

尉氏人

黃支十萬控鼉梁原驛南臨水國長藁桔共恬揚子渡
虎豺終遠鄭公鄉中興正啟時全盛羣盜無煩霸一匡
何不移居分陝右高從嵩頂射天狼

題韓叔夜鄰廬

舊志

阮漢聞

雖復廬名鄰風雲亦宛通六牕明了處三徑沈寥中出

自同于野居惟印以空西岩疑障眼特室似崆峒

和鄭潛庵先生學如圃詩

舊志

劉城

貴池人

鏡無白木柄笠有青雲鉏湘騷栗里句英華亦吐茹吾師真丈人迪我農之餘州府已久別不辨貴池魚

送常二如

以下補

劉理順

杞縣人

梁苑秋風動爾時識俊英聯肩登座次携手泛舟行瑣闥君標彩瑟書我遜名祇因舊有約未遣掛冠情承明謁帝初猶是耳提餘日醉醇醪飲兼叨夏屋居秩宗無彼此歲月感乘除勿謂江流濶長空雁影徐

見文烈集

甫園

梁吟梁別墅在杜郎

閻爾梅

沛縣人

灼灼烟不斷疎樹菴僧寮結構惟三徑風光近六朝雲移松影對花放竹枝邀野色春浮動村人畫裏樵當路三間屋園林曲有層花名多異本竹主問高僧塵日絲吹雨春塘草皺冰暮村看野燒猶似上元燈歲歲題芳草人歸到幾時得君相伯仲兼我奏壘篋枯樹子山賦停雲元亮詩居然江海意捨此復何之欲借蒹葭隱伊人在杜郎鴻梢千里字花接四時香樓角圍松傘園腰帶竹廊漠然賓主意彼此見行藏

題梁以道伏村別墅

閻爾梅

香城仙子玉琴裝
釣月乘魚走大荒
出沒滄桑俱是幻
支離各姓若為狂
屈騷連類三千字
阮咏無題八十章
知己天涯原自少
河南獨有四松堂

伏村雜詠

伏村地名
即以呼梁

閻爾梅

一策青騾到伏村
主人高卧掩松門
但憑花謝花開意
不掃堦前夜雨痕
走馬張弓憶少年
封侯無地且歸田
芭蕉夜雨清晨綠
註得孫吳第幾篇

信口悲歌信筆書
雨來桑野漚成渠
四松堂下無人到

黃鳥青蛙伴起居

九節瓊蕭子晉傳
山雲住處起江烟
憑君醉倒花深處

始信彈琴不借絃

樂此何嘗更說疲
一杯村酒萬行詩
兒童笑問青山主
相伴漁樵是幾時

結夏何曾覓草庵
雲門曹洞路旁叅
杜郎花事誰經管

居士梁生第十三

歲歲他鄉看牡丹
自家松菊任彫殘
秋來更製關山月

譜入雷琴一再彈

五嶽荒巉路不平
芒屨伏臘儘經營
夜來新霽花香醒
鈎起湘簾月正明

甫園看桂花

閻爾梅

伏村東下杜郎西
八月清晨看木犀
日夕便隨風雨去
滿園金粟踏香泥

檜山堂贈梁曰晉

閻爾梅

沙路層層野樹蒼
鞭驢呼酒檜山堂
東園竹石吹新雨
不問何花滿路香

雙檜亭亭蔭畫欄
深花仄徑暑天寒
樓頭雲氣來嵩少

一抹空同雨後看

以上見白
奔山人集

過陳仲弓祠


賈開宗 商邱人

高踪推漢代今有仲弓祠
烏雀喧荒隴牛羊踏斷碑
黨人悲歿瘁遺像肅威儀
寂莫荒園裏風流百世師

辛巳紀變

蘇 字邑人

日昃大風起驚沙
擁戰馬長劍橫空鳴賊勢
江河瀉婦子相向哭
生死頃刻下分手一相失
骨肉厭原野歷落
鄉村中誰為招魂者



兜鍪稱健兒，伍伍眉目揚。飛騎游城市，醉來雁鷺行。睚眦出白刃，委尸大道傍。年年不見寇，去住任徜徉。誰謂從軍苦，從軍樂未央。

三靈侯塚

蘇 宇

三靈侯乎果何人，大塚九畝與路鄰。獸環石門雖常見，姓字不傳那可尋。墓傍車馬日來往，接天盈路走飛塵。墓中之人無所知，墳土一任耕者侵。誰為汝守，誰為汝嗔。嗟汝富貴且如此，何況貧賤委荆榛。人生百計安足賴，齷齪之兒徒艱辛。以上見中曲山房集

國朝

鄆南懷古

梁 熙 邑人

東偏今見許為州，古邑名因晉楚留。千載兵戈塵屢息，廿年荒野草仍秋。温恢稱治興平後，庾峻曾聞戶口稠。漫向桑田傷往事，馬欄車轍係漕流。宋以馬欄為重鎮，聚漕運，今邨中官

道即漕河

九日奎樓載酒

梁 熙

為愛秋光載酒同，凌雲層檻倚晴風。潦收漁網城隈進，木落人家野逕通。暮色感懷砧急響，斜陽回首雁橫空。

童遊十五年前路猶記狂歌輒自雄

曉發望鄆陵

林子威

動地春風急長征曉日寒客顏消逆旅藜藿憶家餐墟里鳴雞曙鄆郊立馬看寸心渾折盡行路信知難

送王子厚給諫歸里

魏象樞

蔚州人

家學淵源道德尊十年來去重西垣拾遺補闕終朝望莫謝蒼生獨閉門

過鄭中丞學如圃

劉漢藜

邑人

倚宅名園勝悠然杖履便菜花黃作浪石室碧生烟三

徑韶光麗一春坐卧偏追隨吟咏好分得賞心編

送梁曰緝歸里

高

珩

淄川人

來去如君豈易能未來早已辦行騰蕭然襍被燕山送一箇嵩邱行脚僧

題梁曰緝江村讀書圖四首

汪

琬

長洲人

約取江春入畫圖亂紅殘絮點菰蒲鄆陵野色平于掌也有江南此景無

門前花發柳毵毵若箇能停載酒驂暫次齋中無一事焚香親校貝多函

一自吳儂別釣磯久將癡骨裏朝衣如他花鴨春江上
日噉芹花自在飛

刀鱗吹波上綠蘋恰逢三月石湖春期君共蕩雙蘭槳
茶磨山前結比隣

留別日緝侍御

汪琬

共作衰翁鬢已華拚辭京國返烟霞君愁右肘將生柳
我媿雙瞳但見花漉酒先生粗闢徑逃禪居士好携家
他時倘命東吳駕爲報柴門傍玉遮

題哲次齋圖送日緝侍御歸鄢陵

王士禛

新城人

刺眼竹梧靜漠漠驚心冰雪寒差差何當燕寢凝香卷
却寫河梁執手辭

汪梁次第解朝衣阿季來歸未便歸太息題詩二三子
舉頭幾處雪鴻飛

六載蕭疎野老巾君歸也厭宰官身狂情雅擬師琴牧
合作齋頭捉塵人

再送日緝侍御用汪茗文韻

王士禛

翛然移疾詠東華歸卧青山嗽九霞曉潤隱囊三徑雨
春捎席帽一川花書題懶遺中朝舊屐齒頻過野老家

何處微塵能到眼茂弘有扇不須遮

懷日緝

王士正

新城人

忽有都門信聞君廢蓼莪愁驚時序改涕為故人多楚
樹通梁苑隋隄接汴河何時共尊酒腸斷五噫歌

歲暮懷日緝

王士正

忽夢鄢陵梁御史相逢似在大梁城談禪頌酒猶能那
側望中原無限情

題日緝御史江村讀書圖

王士正

水市漁村短竹籬故人新辦草堂貨客來夜雨烹春韭

晏坐清齋折露葵

門外漁航箇箇輕春流滑笏縠紋平江花江鳥不相識

寫向丹青俱眼明

風日菰蘆畫下簾鐘魚聲裏悟楞嚴從知摩詰無文字

盡掃鄴侯三萬籤

再為日緝題江村圖

王士正

江風吹暖雁團沙細雨生潮芹努芽不合丹青解如此
綠蓑黃帽欲移家

鷺兒玉雪嬌可憐春波演漾自生烟柳枝桃蘂迷無路

只有隣翁索社錢

西臺御史馬步工下直垂簾送飛鴻高堂雪霽展圖畫

興在春江烟靄中

同荅文農部作寄懷日緝

王士正

五字河梁寫剡藤東風蝴蝶思難勝春來肺疾惟高枕
忽欲題詩寄鄢陵

尊菜須還沈文季送君歸思滿江湖王生善病汪生嬾

三笑何年更作圖

野鶴昂藏江海姿文郎高格非畫師為君放筆圖邱壑

想見垂簾掃地時

寄梁日緝

葉方靄 崑山人

誰謂相去近燕吳隔由旬誰謂相去遠寸心若比隣卓

哉梁夫子風義欽明神締絕輕解贈鮑叔知吾貧半生

耻受憐此道頗自振眇視萬鍾粟不啻埃與塵獨感知

已意隆重比千鈞和風被林木黃鳥鳴好春交交念儔

侶對物涕盈巾無由奮雙翼鬱結向誰陳緘書報長路

微志聊能申

聞日緝侍御歸里奉寄

葉方靄

詩

不見旬時悔吝萌那堪經歲隔良朋每從吳苑懷梁苑
常恨鄢陵遠秣陵誰道青袍真御史早疑白足是禪僧
枚生八月濤聲在乘輿扁舟待一登

鄢陵雙忠祠成紀事

吳銘道貴池人

妖星纏紫垣關中起草竊忽焉毒四海燎原不可滅拗
相實贅疣債帥類跛鼈彎弧羣射天仗義孰死節時則
劉公賢感憤常欲絕平生抱區區愛鼎耻因熱就官蹂
躪餘誓灑一腔血克鋒來克鄢空拳冒叢釘雖乏將軍
力迺奮常山舌杜尉卽架閣從公効猛烈前追巡遠風

肩胛甘五裂卑官有社稷偷生夫豈屑紛紛遁降者誤
國同贈挈名藩淪未幾神京喪一瞥慷慨獨君王依憑
盡妖孽自公至于今歲已八十閱不有表揚功誰知景
前哲汪侯忠孝人官曹挺才傑出其庭閭餘爲政具剴
切妙割本無形民心自潛結念惟劉與杜臨危志何決
使無烝享地詎非一大缺遂欲崇式瞻妥靈光棹楔邑
人樂奔趨不須戶到說成之旣不日始慰瓣香蕪高堂
聞更權積懷今果雪忠魂久愈馨官箴完匪涅用媿雙
廟巍益凜水壺潔卹典在當年公論此昭揭聞公有遺

編幽沉尚函鐵何時出人間匹美尹宙碣尉骨瘞近郊
鬼雄表邱垆從茲得並棲於粲牲殺設吁嗟不朽事千
載樂無闕卽侯名父子亦應立茅蒨

見鄆署雜鈔

題雙忠祠

繆其器

秀水人

人生無貴賤要知重名義夙宵勵無忝夷險非有異前
明歷思宗炎運值標季英明御區宇土崩勢已潰擾擾
多黃巾蔓衍梁宋地劉君困安陵望援不一至旦暮城
且陷屠戮忍坐視呼天若夢夢報國惟身致捐軀以成
仁誓詞夙所秘矢懷在平時臨難寧再計慷慨櫻賊鋒

杜尉慘同志褒揚徹九關猶未及下吏至今邦人士感

歎頻揮淚雙忠貫日月祀典洵足記

同上

題雙忠祠

徐照

蘇州人

吁嗟明季時寇勢方猖中州天下中衝繁之所當寇
警一朝至人心俱皇皇或爲棄城走或爲開門降鄆陵
有賢合正氣填衷腸區區彈丸地用武難施張欲戰旣
無兵欲守復無糧寧灑頭顱血忍視黎民傷同志得杜
尉慷慨罵賊亡天地慘不開日月黯無光遙從睢陽城
張許相頡頏人生誰不死壽夭齊彭殤邱山與鴻毛所

重繫綱常惜乎歷百載廟食猶未嘗吾鄉主政公前年
泣是邦政餘思勵俗首先訪忠良土人述往事涕淚猶
沾裳君起瞿然曰不可無表揚乃為立祠宇邑里生輝
煌先賢有大節幽光賴以彰作詩誌不朽千秋見芬芳

謁陳太邱祠

沈鴻

異代欽芳躅升堂伏謁慙潁川高四長漢室重三君栢
挺經霜榦碑殘剝蘚文里風歸德化道廣豈徒聞

過阮家巷

步兵為尉氏人與鄢接壤而巷實在鄢境

沈鴻

步兵識玄微埋照就疎放不以好爵縻貪醉官厨釀能

分青白眼賢俗不異向談塵屑名流霏霏清可尚相借
游竹林仲容懷亦曠至今阮家巷南北猶相望路入三
亭岡驅車苦塵鞅遐企蘇門翁鸞嘯去青嶂

謁薛文清公祠

戴昱

河津理學儒正脉紹伊洛負資既高潔造詣復淵博立
朝勵名節居鄉徇木鐸旨哉讀書錄仁義於焉擴高高
靈氣鍾發解疑寥廓寓賢重洎水遐躅仰如昨春秋俎
豆馨祀典官司恪旅跡遂瞻拜迂衷欣有託

鄢陵館舍

朱楓

錢塘人

園林深處見樓臺忘却寒衝朔雪來古樹幾聲春近鳥
疎籬數點臘前梅櫻欄愧作多年別缸面欣逢此夕開
彷彿石門河畔路雲松夾岸夜航迴

壁間有宋石門畫

館中素心蠟梅盛放得四絕

朱楓

夢杏羅浮路蕭然擁道裝黃芽白雪外虛室有輝光
稍遣玉埋照仍教冰在壺飾容春態少萬卉一枝孤
不識瞿曇面今知白業多皈心依皓潔奈此瓣香何
味蠟包藏後寒心不可干風標超庾嶺無復為人酸

鄢陵懷古

施誠邑令

形勝依然舊隱陵林端古塔極峻嶒仲弓祠在星猶聚
孟德臺荒鹿自升雙洎晴流芳艸合曲岡春樹暮烟凝
行郊最有低徊處鳳鳥重來見未曾

謁雙忠祠弔劉杜二公得詩五百言

施誠

鄢邑古名區富庶見漢志烟戶五六萬蘇林嘆不置

魏常

侍蘇林謂庾峻曰鄢陵舊五六萬戶經亂後纔聞數百爾吁嗟明祚衰紀綱日凋敝

旱潦降自天饑饉歲相繼土寇蜂擁屯四海暗烽燧中
原益震動洶洶勢騰沸劉公適宰鄢撫卹通夢寐視民

如家人視邑如家事

公常有視邑如家視民若子諸語見石刻

愛問不因入

冰壺絕纖翳

劉公初署東陽諭題柱曰人熱難因我問可愛又公別號冰壺

奈何寇燄

張竊欲窺神器蹂躪頰許間慘殺突千騎恃此彈丸城

一髮千鈞繫旁人咸議降公直叱之退奮勇守孤軍寧

論事必濟但灑一腔血之死靡有二

劉公詩浙米向矛頭枕戈卧城關之

死矢靡他誓灑一腔血

凜凜犯賊鋒慷慨申大義果然死不惜不

負平生誓

劉公有自盟語封識甚密死後視之乃不貪財不好色不惜死三語也

是時同

心人乃復有杜尉剿賊設奇謀不為死生計上官知其

才益以節自勵被執迫就降忠憤血裂背大呼儼雷霆

英風激空際刀斧甘若飴轔非所畏淚血噴賊面舌

抉罵猶厲可憐仗節身寸磔同拋棄始知成仁者取志

不在位赫赫兩忠魂義聲振天地贈卹雖不同大節究

何異為臣死社稷綱常萬古係祀典昭日星允宜祀百

世况有骨未歸

劉公之柩其子已迎歸故里杜公遺骨尚瘞北郭外

青燐閃荒藪

淒涼北郭門古井出遺蛻

杜公殉節二十年后令裴始出公殘骸于枯井中

頓

使碧血殷一抔黃土瘞嶙峋三尺墳矗立崇碑碣憶從

道旁過下馬披荆棘闌寂屋三楹不在窮奇麗中有不

死人神龕屹雙峙髣髴冠裳孤鶴空中唳俯仰邈前

型樞衣拜階卮動我懷古心一銷疲茶氣聞昔鄢陵戰
晉楚樹赤幟藉藉戰死人何如二公毅遙望睢陽祠烈
烈真不替卓哉張許公公乎庶無媿我實後公來承之
此邦吏所幸遇昇平羣黎樂豐歲曾聞提壺漿麥飯爲
公祭亦從風月佳時時一登睇人孰不有死死孰泰山
比魂兮如可招漫墮空碑淚

詞

國朝

鄢陵懷古 調寄滿江紅

沈鴻

古邑安陵問往事都成陳迹漫說有春秋戰壘賢良遺
宅鄭伯金湯嗟廢堞太邱漆井欽芳澤更荒臺突兀笑
曹瞞多籌畫 彭祖壽許由逸傳或謬誰能覈溯椒房
庾氏門多英特世遠尚誇經濟士時衰那覓文章伯獨
政成黃霸鳳鳴陂今猶昔

清明日過太邱祠晚飲鄭圃 調寄陌上花 沈鴻

詞

興聯遊騎尋芳豁眼村村花柳小歇僧廬餅汲昔賢遺
 甃石泉槐火今朝試令節不教虛負太邱名德重千秋
 捫蘚讀殘碑籀 再一鞭遙指芳園如畫未識主人誰
 某殷勤相迓谷口躬耕南畝解鞍留醉花深處坐對一
 林瓊玖約重遊還待鼠姑開遍自攜紅友

賦

晉

意賦

敬見王室多難終知嬰禍故作此賦

庾

敳

邑人

至理歸于渾一分榮辱固亦同貫存亡既已均齊兮正
 盡死復何歎物咸定于無端兮俟時至而後驗若四節
 之素代兮豈當今之得遠且安有壽之與夭兮或者情
 橫多戀宗統竟初不別兮大德亡其情願蠢動皆神之
 為兮癡聖惟質所建真人都遣穢累兮性茫蕩而無岸
 縱驅于遼廓之庭兮委體乎寂寥之館天地短于朝生

兮億代促于始旦顧瞻宇宙細微兮眇若豪鋒之半飄
飄立曠之域兮深莫暘而靡玩兀與自然并體兮融液
忽而四散見晉書
庾峻傳

明

西雙泊賦

陳 棐 邑人

溱洧二河匯而為一故名雙泊流經鄆城之北
歲丙午予請養旋里秋初泛舟遊焉逆流而上
至徐家湖經宿而返同遊者三源胡翁東涯劉
君暨弟二川治具者解子復菴時邑令學師因

公未往而臨期會者則蓬池傅中實馬鹿村也
聿鶉火之秋孟兮厥吉日之在庚當積雨之初霽兮天
晃朗而氣澄方火流而暑退兮即金爽而涼清陳子從
遊於泊浦兮追祓禊之先盟乃出郊野兮乃偕友生波
新漲以拍岸兮流潦奔注而有聲顧周行之成壑兮見
馬滑而車傾蓋諸客之或中止而弗能盡行也陳子徘徊
貯望于河之隈思僊舟之共泛悵美人之遲回乃有
二客自北而來鷓冠鶴氅迥出塵埃將訪停雲之契於
聚星之臺陳子迎揖而笑拉與登舟于時駕文螭張翠

蓋天展畫圖地收清籟淵澄鏡以開奩水拖藍而縈帶
乃若雲垂高幕兮風動輕扇綠蕪涼生而欲雨不雨兮
青林靄結而似煙非煙望菰蒲之滿岸兮蘋蓼闊而接
天過左岡而西轉兮離南港而北牽乃見返照之掛遙
岑兮吞吐燭龍落霞之明極浦兮點映孤鴻倭鉦擊而
林巒應響兮吳歌起而鷗鷺驚狎幽客吹洞簫而聲杳
兮靈娥鼓素瑟而方終少焉暝煙浮動墟落黃昏聯三
舟於巨浸兮凌千頃之無垠天水黝兩儀以同色玄冥
混一氣之氤氳疑近乎龍宮與蛟室兮又安知鼉聚與

鯨奔也邪陳子乃命魴燈懸照兮鷁首焜煌宛驪珠現
光於淵際兮犀燃耀彩於波央斗酒屬客兮一詠一觴
廣滄浪之古曲兮誦赤壁之新章未俟舟中之枕籍兮
已覺天際之晨光乃復凌波遠涉兮綠浦輕移烟濛濛
而接水分雨細細以生漪綠荷靜其如拭兮朱華潤以
誇姿觀漁艇交馳而布網兮酒船飛送以隨醜湖際之
風物已勝兮雨中之景色尤奇看素濤之連乎玉宇兮
疑湖光通銀漢之涯客乃舉盞而酬曰今日何夕其七
夕乎非天孫相會之期乎伊牛渚與鵲橋每佳期之弗

易况塵世之蓬踪尤簪合之難致有相約而不逢有不
要而偶值慨良會之幾何嘆浮生之如寄斯吾與子遊
也一日之間一湖之際陰晴明晦景象頓殊晝夜朝夕
倏忽代替今日之境界既非昨日之豫知而明日之經
歷又豈今夕之可筮夫此水出馬領承雲之遠過虎贖
赤澗之幽合烏塢皇岡之派并龍淵黃水之溝其間爲
渠爲瀆爲渚爲洲皆委形隨寓不競弗求而其至於鄢
境也予曾見其湖陂千萬頃芰蕖菱芡滿焉矣未幾而
爲平陸一水夾岸而中流方見其平陸一水矣今忽芰

蕖菱芡又安知彈指之頃不復爲禾黍與平疇是以感
柔滄之屢更傷歲月之難留觀天河之滉漾歷萬古而
常浮遂欲起舞相命挹星潢之素波挾僊羽以遨遊少
焉諸客舍舟登岸逡巡闌散陳子獨乘一舸順流以歸
覺冷風之颼颼泛雲槎之渙渙恍然如入于瑤京而貝
闕瓊樓巖寒光之璀璨彷彿見流黃之機擬其爲斗牛
之畔有二仙子迎而謂曰子其今夕泛湖之客乎何故
至於斯聞子之談究理數於天人極慨歎於今昔子固
知羨天孫會合之難抑孰知天地有終窮之厄子亦忽

遠視人世為空虛輕經濟之長策予將貽子以雲錦七
 襄之章機邊五色之石石用助補天之功錦少裨補袞
 之籍子其早回廊廟之間毋久耽此江湖之宅言訖揖
 而別陳子矍然顧視但見舟行已駐於橋梁堤上久停
 乎僕御欲尋頃者之所從來已迷茫而不知處

見文圃
文集

東雙泊賦

陳 棐

予七月泛舟泊河遡洞而上時邑侯學師未同
 也乃今同泛則遡遊以東夫前後方逾兩旬而
 景物頓殊感興各異賓遇半非舊遊遂復作東

雙泊賦邑侯為趙君玉泉學師為劉一川王華

川林隱則三源胡少叅翁而予則泊濱主人也

卽歲八月始朔玉泉子被徵汴苑校士秋簾泊濱主人
 送之七里之橋雙泊之滸于時潢潦灌河禾黍登場鶴
 飄高盖鳳集遙岡昇橋東眺美哉洋洋主人曰玉泉之
 往也將亦與於鑑文矣夫天下之至文孰過於風行水
 上者乎天下之至鑑孰過於日映澄淵者乎風與水不
 期而遇無心之文也故其文至瑩日與水不期而遇無
 物之鑑也故其鑑至明懸在我無物之鑑而裁諸士無

心之文斯何讓於文衡今玉泉之往也其於水有合乎
予觀玉泉之疇昔矣邑孰無政而君之出政也欲如水
斯清邑孰無衆而君之涖衆也欲如水斯平是玉泉卽
水之澄水卽玉泉之精彼此實異體而同情玉泉於水
其始有樂乎玉泉子曰吁有是哉主人諦觀乎水之於
風日耶彼風之動波錦疊鱗蹙風自迴旋於波間日之
映川璧彩金光日自團圍於川際夫風與日不隨水以
俱逝而水則滔滔汨汨溶溶滴滴不依風日而少留滯
是以達人感歲時之流邁傷世代之遷移等浮榮於漚

聚嘆逝者之如斯雖云及時以行樂常恐樂至以成悲
而亦胡能樂邪主人曰噫嘻子知之乎水之去而不同
者百代過客之光陰水之流而不息者兩間常在之芳
馨故君子之文章勲烈煒燁炳煥如日之麗天而照耀
乎古今聲名威望洋溢振播如風之吹物而鼓動乎高
深斯風與日每共不息之水長在而不隨旣逝之水向
歸墟尾閭以湮沉此吾人所恃以不朽者喜託千載之
德音君不見此水西北而來也其傍有所謂卓茂之祠
子產之阡乎今子政惠比鄭卿之美教化如密令之賢

馬陵縣志 卷之十一
惟政教之既備自德業之皆全斯令名之不已如此水
之潺湲又不見水傍有鄭莊公望母之臺及潁考叔錫
類之宮乎予亦扶持竊考叔遺羹之孝建白學封人納
牖之忠但輸臣子之大節敢希位望之兼隆惟願令聞
之不已庶幾此水之無窮乃衆客欣然謂今日之非徒
遊也其時胡牀繞座方舸聯繩有罍酌酒有肴載登檣
烏容與畫鷁飛騰徐至段莊望彪岡將轉乎桐邱之下
而過天井之陵遂欲由此順流東下乘長風破巨浪涉
淮泗而窺溟渤之泓奈兩岸斷夕陽之牧笛中流邀別

浦之漁燈于是飲酒樂甚玉泉子歌曰予少居兮泉之
傍泉清如玉兮予日徜徉斯泛流泉之瀟瀟兮兩地相
忘我思古人兮寤寐不遑仰芳蹤與遺愛兮如見羹牆
三源子歌曰潁水之源兮少室陽乾三泉竭足而奇發
兮泊水末合而同瀾我思古人兮恍惚容顏範高風與
清節兮如願襲乎蘅蘭一川華川亦遂歌曰予俱家於
川之上兮每濯纓以臨流今覩雙川之合一兮識道體
在此而焉求我思古人兮願與同遊法蒙泉以養正兮
樂泮水以藏修俾小子盈科而進兮勿望洋以夷猶衆

客歌已泊濱主人歛筵停杯嚼商含羽將倚歌而和之
 擬倩冰夷而為媒招宓妃而任使託漢臯之仙媛借蹇
 修以為理思欲通吾之慇懃接古賢之三子忽焉天地
 暗淡黑雲四起白浪驚飈驟雨將灑蛟鼉奮作蝸蟻奔
 駛景象儵忽變幻殊軌主人解山靈河伯之意恐予瀉
 幽潛之形狀露造化之秘詭也遽命回舟向橋疾艤乃
 收潁泓爰整簪履揖客登岸言旋庭止獨宿心悅倘以
 靡寧深夜起徬徨而徙倚少焉日出風恬晨光閒美枕
 上猶如聞波浪之聲僮報東牕之曙矣

同上

鄆陽縣志卷之二十

藝文志六

金石

經籍

舊志無金石一類余特創為之蓋歐陽公集古錄
 云其事多與史書相證明可以闡幽表微也鄆地
 雖小然漢隸一碑固屹然在焉苟無此安知熹平
 時之有尹宙其人乎史仲山一帖載在金石志隸
 釋諸書其人因之而傳故亟錄之其他依類附見
 或以事著或以人顯不但詞翰之工而已經籍有
 志肇自班氏文在是獻亦在是此又作志者之所

取徵也不另立一門者猶國之有附庸也志藝文
六

金石

漢豫州從事尹宙碑

隸書

熹平六年四月

碑高六尺濶二尺八寸厚六寸字徑一寸二分額
字徑二寸二分統體完好惟額上正中有一圓孔
穿透若貫索之爲者約三寸大自孔處起直下十
六字有斜裂紋今在孔子廟戟門前南向
其文曰君諱宙字周南其先出自有殷迺迄于周

世作師尹赫赫之盛因以爲氏吉甫相周宣勛功
有章文則作頌武襄獫狁二子著詩列于風雅及
其玄孫言多世事景玉載在史典秦兼天下侵暴
大族支判流僊或居山川或徙趙地漢興以山川
爲潁川分趙地爲鉅鹿故子心騰于楊縣致位執
金吾子孫以銀艾相繼在潁川者家于雋陵克纘
祖業牧守相亞君東平相之玄會稽太守之曾富
波侯相之孫守長社令之元子也君體溫良恭儉
之德篤親于九族恂恂于鄉黨交朋會友貞賢是

與治公羊春秋經博通書傳仕郡歷主簿督郵五官掾功曹守昆陽令州辟從事立朝正色進思盡忠舉衡以處事清身以厲時高位不以爲榮卑官不以爲耻含純履軌秉心惟常京夏歸德宰司嘉焉年六十有二遭離寢疾熹平六年四月己卯卒于是論功敘實宜勒金石迺作銘曰於鑠明德于我尹君龜銀之胄奕世載勛綱紀本朝優劣殊分守攝百里遺愛在民佐翼牧伯諸夏肅震當漸鴻羽爲漢輔臣位不福德壽不隨仁景命不永早卽

幽昏名光來世萬祀不泯

僊當作遷王卽王僞卽鄧

顧炎武金石文字記碑在鄆陵縣豫字磨滅以其潁川人而言本州知其爲豫州也 又曰左氏襄公三十年傳有尹言多當周景王之世漢書酷吏傳尹賞字子心楊氏人也以右輔都尉遷執金吾卒官今碑曰楊縣按楊氏縣屬鉅鹿郡于文不當省氏字也河東郡自有楊縣又鉅鹿之鹿不當從金位不福德福字亦副字之誤顧藹吉隸辨額題從銘二篆字上有穿額橫書

在穿之右文十四行行二十七字金石文字記
 作豫州從事尹宙碑云豫字磨滅以其頽川人
 而言本州知其為豫州今碑甚完好無一字磨
 滅惟云仕郡歷主簿督郵五官掾功曹守昆陽
 令州辟從事而已無豫字也或亭林所見之本
 傳拓不清以為磨滅耳

黃叔瓚中州金石攷是碑係元鄆陵達魯花赤
 阿八赤得之于洧川遂輦至廟廡碑陰甚詳劉
 青藜金石續錄謂碑因水漲岸崩而得似未見

碑陰所載也

附前碑陰

元皇慶三年教諭李警
撰洧川王克讓書丹

忠顯校尉汴梁路鄆陵縣達魯花赤兼管本縣
 諸軍奧魯勸農事阿八赤自皇慶元年正月二
 十有四日下車蒞事欽奉詔書追封孔子為大
 成至聖文宣王立石頽宮所以彰聖恩重名教
 也公因物色碑材得片石于洧川蓋東漢熹平
 六年故豫州從事尹君諱宙者之碑也公捐已
 俸購石輦來鄆類命匠刮磨將舍舊而新之既

而幡然改曰碑歷一千二百餘年故物舉一廢
 一有所弗忍遂議更以新石併舊石附立廟廡
 于以見公好古尚賢成此美事鄆之士民咸頌
 公德爲之辭曰仁哉忠顯治績在鄆事師古始
 德崇哲先更新修廢二美得全寫之琬琰以永
 其傳

漢故民吳仲山碑 熹平元年

碑亡攷據金石錄隸釋中州金石攷咸載在鄆陵
 縣故錄之以備鄆典故云

其文曰熹 熹平元 年十二月上旬吳公仲山少

立名迹約 約身 身躬 躬已節 度無 爲雙 不不 不貧

吐 仕進隱匿 世垂 爲問府縣請名未曾闕 爲城守鮮

貧苦不豫 煇燭 榮兄弟三人居其中央事長接

勇出入 敖務 葉詳元少不幸 葉棄 葉在早亡乾 坤以 蓋

載儿十有長 年奉 年壽未究而遭 禍禍 禍央子孫飲 泣

泣 泣呼招不能 能還與 爾在 感驪 感余 爲減 何·瘧 何奈 何何

惟公德美布惠州里遠近 假猶 假求衣 不言無有春

秋鬻 貸勵 字給與無已不送人意率 化理市 庭庭

佑為渠斷含空空考劣收禱為遺孤孤皆置置門

寡裏先亡為壑葬劣弱娶婦受恩者無貶販不

能悲嗟效報報社里其恩特為施豈誰照矣

公亦本有三息遺孤孤二庄無分分少德父有余

為財財東西南北北不能起樓為高殿總為觀

采采色尚諸邂逅連有不得兼管微傍侯翁衣

乃及大捫慙亡父憂匝夙夜夜如如有陶空勃

缺缺穉齋藥蓋禱神零為有知知水徂挺夏焉焉

矣矣子孫萬歲碑碑中古字及通借字皆釋出不可識者仍缺之以俟高明

宋趙明誠金石錄跋右漢吳公碑其額題漢故

民吳公之碑碑云熹平元年十二月上旬吳公

仲山其他刻畫完好如新文詞頗拙陋書亦怪

而不工然漢時石刻存者漸少而此碑特完故

錄之以資博覽

宋洪适隸釋跋右漢故民吳公碑隸額宣和中

知鄆陵縣穆延年得之于民間碑無其名仲山

其字也靈帝熹平元年立漢之仕者沒有遺愛

其州縣之民為之采石鑿銘則自稱曰故民吳

公匿迹韜光不答聘召作碑者體其謙晦之操
故以民稱之所謂故民者物故之民也其字畫
譎怪兼有篆筆裏者人知其爲憂疆者若彌非
彌若疆非疆蓋其甚異者

中州金石攷碑在鄆陵金石志載入闕鄉非
隸辨額題六隸字爲二行碑式云有穿穿在八
九行之中文十三行行二十一字後餘數行

唐立漢文範先生陳君碑

裴延休撰文

碑亡據訪碑錄中州金石攷皆云在鄆陵廟內

醉翁亭記

宋蘇軾書明高拱刻在鄆陵劉氏家廟有趙孟頫
宋廣吳寬沈周文彭高拱劉廵劉漢藜劉佑諸跋
趙孟頫跋此宋學士東坡蘇公之筆也趙子固
家藏舊物也今爲伯田馮先生所得余在京時
嘗見此卷于高仁卿家前後有子固印識今悉
無之想爲俗工裁去詎謂神物而灾亦見侵如
是然而字畫未損猶幸甚耳或者議坡公書太
肥而公却自云短長肥瘦各有度玉環飛燕誰

敢憎又云余書如綿裏鍼余觀此帖瀟灑縱橫雖肥而無墨豬之狀外柔內剛真所謂綿裏鍼也夫有志于法書者心力已竭而不能進見古名書則長一倍余見此豈止一倍而已不識伯田之所自得又幾何元貞二年四月一日持來求跋聊爲草草

宋廣跋此帖有趙松雪跋語爲東坡翁真筆無疑旣識而藏之可不寶諸

吳寬跋蘇文忠書早師顏魯公嘗大書醉翁亭

記刻石尙不改魯公家法晚喜李北海書則稍去圭角變爲圓熟舊時剛方筆仗不能盡脫此復書亭記真行草相間別有一種竒逸予學公書多年故考其淵源特爲贊歎予書得其彷彿實隸公之下不勝慙惶云

沈周跋蘇氏父子兄弟皆遊歐公門下故東坡樂書此記亦歐公平生得意之文趙松雪觀此書云長一倍書法昌裔亦號名能書二公品裁可信可寶

文彭跋右蘇文忠公草書醉翁亭記後有趙文敏宋昌裔吳文定沈石田諸公題識其爲真跡無疑然筆畫竒逸殊不類其平日所書舊嘗見東坡雜帖中有雲缺月駛舟行岸移八字公自題云此書真似楊風子蓋楊少師書宋初極重而傳世甚少豈公嘗愛而學之耶此記筆法大與八字相類亦足爲一驗也昔子由題懷素自敘云予兄和仲特善行草惜不令其一見然則公蓋嘗留心於草聖者特世少見耳大抵人品

旣高下筆自然不同昔杜祁公楷書方嚴而晚乃以草聖見稱蓋高人韻士胸中無所不有不可以一律論也中玄師相命彭摹勒上石以見東坡草聖之妙敬題其後

高拱跋此卷得之釣陽徐穎南氏穎南告予曰一老傭入徽府拾此於塗泥踐踏中祚以豆數斗易得予聞而悲之荆山之璧遇識者千金不易也而顧棄之塗泥卽幸脫塗泥也亦纔易豆數斗耳此公負絕世之才時不能用且遭摘陷

垂死者屢塗泥孰甚焉晚雖召還竟不大用以
 俎亦易豆數斗而已矣傷哉然此卷至今存予
 猶得以寶之亦未為不遇也而此公已不可作
 乃尚不如此卷之遇然則當時君相豈不皆卞
 和也哉

王世貞弇州山人藁跋新鄭公家藏蘇書醉翁
 亭記今刻之石結法道美氣韻生動極有旭素
 屋漏痕意第不類蘇長公惟渴筆一二得似耳
 豈公沒後王逸老筆耶或陸務觀張溫甫輩戲

筆耶

趙嘏石墨鐫華跋此新鄭公得之徽廢邸者文
 壽承摹刻故能縱橫自如字字不失真態余蓄
 此帖亦時展玩其中無一筆類長公者筆法雖
 不能盡脫宋習却勝長公何不自顯姓名而署
 長公殆不可曉

元建宣聖廟記

大德九年東平輔惟良撰文 教諭
 宋士元書并篆額 典史曹翔立石

加封孔子詔碑

大德十一年立

修學題名記

卽尹宙碑
 陰見前

明重修宣聖廟記 天順六年教諭吉水彭明撰文 訓導陝右薛閔書 桃源王淵篆

儒學科貢題名記 弘治十一年嚴憲撰文 魏璋書 劉璟篆額 邑人

重修儒學記 弘治十一年邑人魏璋撰文 劉璟書 牛緩篆額

儒學建亭修廟記 嘉靖十三年邑人陳溥撰文 劉訥書 胡東魯篆額

重修儒學記 嘉靖二十八年高拱撰文 邑人劉訥書 胡東魯篆額

重修儒學記 萬曆二十年邑人梁策撰文 劉巡書 王鶴齡篆額

重修儒學記 萬曆二十一年信陽何洛文撰文 邑人梁策書 劉巡篆額

重修儒學記 萬曆三十七年邑人梁克從撰文 鄭友諒書 王鶴齡篆額

重修儒學記 崇正四年邑人梁克從撰文

重修儒學記 崇正十一年訓導汝州馬一敬撰文

右十三碑俱在學宮

處士牛興墓表 薛瑄撰文

預備倉記 正統十三年邑人孫俊撰文

重修城隍廟記 成化三年立

重修文範祠并更像記 弘治八年邑人劉璟撰文今燬

重修倉廩記 弘治十二年邑人魏璋撰文

怡閒亭記 嘉靖七年錢塘吳鼎撰文碑在劉氏祠堂

馮侯開河祛患記 嘉靖九年邑人劉訥撰文

馮公開翔新河記

嘉靖十年邑人王璣撰文碑在七里河側

勅賜薛文清公祠堂記

嘉靖十九年靈寶許讚撰文碑在舊祠內

預備倉召募斗級碑

萬歷三十年邑令王應元立

國朝

世祖章皇帝訓飭士子卧碑

順治九年二月提學道參議臣黃日祚敬立

聖祖仁皇帝御製至聖先師孔子贊碑

康熙二十五年七月戶部尚書文華殿大學士臣張玉書敬書

四子贊碑

康熙二十八年閏三月戶部尚書文華殿大學士臣張玉書敬書

重修儒學記

順治八年邑人鄭二陽撰文曹南邨開宗集王羲之書

重修文廟記

康熙二十二年三韓羅鈔撰文

重修儒學記

康熙三十一年邑人梁熙撰文劉偉書鄭蕃篆額

重修學宮記

雍正六年邑人韓維垣撰文劉紹書

重修儒學記

乾隆十九年知縣張繩祖撰文

重修縣學記

乾隆二十六年邑令端州陳子檜記

右九碑俱在學宮

建大有倉碑

雍正三年邑令孫國璽立

經籍

晉

庾峻集二卷

唐書作三卷

庾純集八卷

唐書作二卷

庾敬集五卷

庾亮集二十卷

庾冰集二十卷

庾翼集二十卷論語釋一卷

庾闡集十卷

庾儼集二卷

庾統集六卷

庾蔣集二卷

庾肅之集十卷

南北朝

庾徽之集十卷

庾蔚之禮記集解十卷喪服要記五卷

七錄作三十一卷

喪

服世要一卷禮問答六卷禮論鈔二十卷集十六

卷

庾仲容抄諸子書三十卷衆家地理書二十卷列女

傳三卷集二十卷

庾持集十卷

隋

庾自直集十卷

以上見隋書經籍志唐書藝文志鄭樵通志同

唐

崔知悌集五卷法例二卷產圖一卷

見通志畧

崔知温集四卷

以上見唐書藝文志馬端臨文獻通考同

宋

崔立巴歛集二十卷 崔公孺詩二卷

以上見焦竑經籍志

明

魏璋錄見編

牛緩菊坡小稿

劉訥銀臺集憲臺集春岡集怡春軒集

劉巡竹素園集四卷周易玩占六卷漢魏詩選四卷

竹素園琴譜二卷南調選詞二卷數學全書三一

子壬運六壬鈐斷

劉遵石孔山人四六藁石孔山人集畧唐詩類選

陳棐文岡集二十卷八陣圖說一卷火車陣圖攷二

卷

王璣梅岩集

梁克順澹寧樓集

梁廷棟樞畧督撫奏議泡香館詩集

鄭一陽禮要四卷生生集三卷孫子明解裕德彙編

益樓集四卷崇儉約一卷奏疏十卷

常自裕樞垣奏議徽省別錄

劉賁卿傷寒傳經論

韓法愈葭菴詩集

蘇宇中曲山房詩一卷

梁廷援四松堂集

國朝

梁熙哲次齋集十二卷

劉漢藜寶蘇齋詩集四卷

王鳴球通鑑編年歌一卷

劉佑學益堂文稿六卷詩稿十四卷

王曰溫賜晏紀事于役紀事兵垣奏議戶垣奏議傳

青堂集

梁之鯤聞茗堂集

鄭蕃確園集四卷

韓則愈秋巖集

韓程愈栢潭集栢潭惇史白松樓集

常錫印禮記便蒙

韓逢吉四書本旨易經易簡註禮記緝要

韓維垣靜觀堂集

鄆陵縣志卷之二十一

雜志

叢記

祥異

雜志者志全志之所未及也蓋志各從其類否則雜矣然人事之一言一行天時之一禩一祥為諸志所不能入而又諸志之所不宜棄者即雜以綴之亦可也易有雜傳禮有雜記史有雜家義竊取之矣作雜志

叢記

周宣王封其母弟友于鄭是為桓公幽王時入為周司

徒死于難友子武公掘突定平王子東都亦為司徒卒得號鄆鄆蔽補丹依噪歷莘十邑

見史記

成公十六年晉侯將伐鄭鄭人使告于楚楚子救鄭六

月遇於鄆陵甲午晦楚晨歷晉軍而陣公筮之史曰

吉其卦遇復曰南國蹇射其元王中厥目

見左傳

復剛

長之卦陽起於子南行摧陰離受其咎離為諸侯又

為目陽氣激南飛矢之象

左傳註

汪琬曰外卦坤為國

又為西南方之卦故曰南國內震木克外坤土故曰

蹇震為蒼筤竹以矢上射之象也凡卦上為首元者

首也元王即爻辭國君也又爻辭有灾眚眚為目疾

故曰射其元王中厥目是所謂用行師至于大敗以

其國君凶者是也或謂震坤拱與離與為多白眼離

為目无離无與則中目此殆近乎鑿矣

見堯峯文鈔

呂錡夢射月中之退入於泥占之曰姬姓日也異姓月

也必楚王也射而中之退入於泥亦必死矣及戰射

中共王目王召養由基與之兩矢使射呂錡中項伏

殺以一矢復命

見左傳

周瞻任安陵令大戴禮保傅篇任周瞻而國人獨立

漢項仲山安陵清者飲馬渭水每投三錢

見三輔決錄

許博昌安陵人也善陸博寶嬰好之常與居處其術曰

方畔揭道張張畔揭道方張究屈玄高高玄屈究張

又曰張道揭畔方方畔揭道張張究屈玄高高玄屈

究張三輔兒童皆誦之法用六箸或謂之究以竹爲

之長六分或用二箸博昌又作大博經一篇今失傳

見西京雜記

庾翼幼時嘗令璞筮公家及身卦成曰建元之末邱山

傾長順之初子凋零及康帝卽位將改元爲建元或

謂庾冰日子忘郭生之言耶邱山上名此號不宜用

冰撫心歎恨及帝崩何充改元爲永和庾翼歎曰天

道精微乃當如是長順者永和也吾庸得免乎其年

翼卒冰又令筮其後嗣卦成曰卿諸子並當貴盛然

有白龍者凶徵至矣若墓碑生金庾氏之大忌也後

冰子蘊爲廣州刺史妾房內忽有一新生白狗子莫

知所由來其妾祕愛之不令蘊知狗轉長大蘊入見

狗眉眼分明又身至長而弱異于常狗蘊甚怪之將

出共視在衆人前忽失所在蘊慨然曰殆白龍乎庾

氏禍至矣又墓碑生金俄而為桓温所滅終如其言

見晉書
郭璞傳

蘇峻亂諸庾逃散庾冰時為吳郡單身奔亡民吏皆去
唯郡卒獨以小船載冰出錢塘口籛篠覆之時峻賞
募覓冰屬所在搜檢甚急卒捨船市渚因飲酒醉還
舞棹向船曰何處覓庾吳郡此中便是冰大惶怖然
不敢動監司見船小裝狹謂卒狂醉都不復疑自送
過浙江寄山陰魏家得免後事平冰欲報卒卒曰出
自廝下不願名器少苦執鞭恒患不得快飲酒使其

酒足餘年畢矣冰為起大舍市奴婢使門內有百斛

酒終其身見太平御覽

庾征西翼書少與右軍齊名右軍後進庾猶不分在荆

州與都下人書云小兒輩賤家雞皆學逸少書須告

下當比之張翼見李廙補世說

庾敬字子嵩侍中峻第三子恢廓有度量自謂是老莊

之徒曰昔未讀此書意嘗謂至理如此今見之正與

人意暗同仕至豫州長史見晉陽秋

庾子嵩讀莊子開卷一尺許便放去曰了不異人意見世

說

庾闡始作揚都賦道温庾云温挺義之標庾作民之望
方響則金聲比德則玉亮庾公聞賦成求看兼贈賦
之闡更改望為雋以亮為潤云同上

劉慶孫在太傅府于時人士多為所構唯斂子嵩縱心
事外無迹可間後以其性儉家富說太傅令換千萬
冀其有吝於此可乘大傅於衆坐中問庾庾時頽然
已醉憤墮几上以頭就穿取徐答云下官家故可有
兩婆千萬隨公所取于是乃服後有人向庾道此庾

曰可謂以小人之慮度君子之心

見世說補

庾太尉風儀偉長不輕舉止時人皆以為假亮有大兒

世說作會
小字阿恭

數歲雅重之質便自如此人知是天性温

太真嘗隱幔怛之此兒神色恬然乃徐跪曰君侯何
以為此論者謂不減亮蘇峻時遇害或云見阿恭知

元規非假

見世說

庾太尉與蘇峻戰敗率左右十餘人乘小船四奔亂兵
相剝掠射誤中拖工應弦而倒舉船上咸失色分散
亮不動容徐曰此手那可同使箸賊衆廼安

庾玉臺

友小字見世說註

希之弟也希誅將戮玉臺玉臺子婦

友子

宣武弟桓豁女也徒跣求進闈禁不內女厲聲

曰是何小人我伯父門不聽我前因突入號泣請曰

庾玉臺常因人腳短三寸當復能作賊不宣武笑曰

壻故自急遂原玉臺一門

同上

小庾臨終自表以子園客

園客爰之小字

為代朝廷慮其不從

命未知所遣乃共議用桓温劉尹曰使伊去必能克

定西楚然恐不可復制

同上

庾征西大舉征伐既成行遷鎮襄陽其姪蘇與書遣一

使諫止意甚奇之復答書曰得所書意固善然豈少

年所知之

同上

世稱庾文康為豐年玉穉恭為荒年穀庾家論云是文

康稱恭為荒年穀庾長仁為豐年玉

同上

庾公嘗入佛圖見卧佛曰此子疲于津梁于時以為名

言

同上

庾子嵩長不滿七尺腰帶十圍積然自放

同上

庾太尉在武昌秋夜氣佳景清使吏殷浩王胡之之徒

登南樓理詠音調始道聞函道中有履聲甚厲定是

庾公俄而率左右十許人步來諸賢欲起避之公徐云諸君少住老子于此處興復不淺因便據胡牀與諸人詠讌竟坐甚得任樂後王逸少下與丞相言及此事丞相曰元規爾時風範不得不小積右軍答曰惟邱壑獨存

同上

庾長仁與諸弟入吳欲往亭中宿諸弟先上見羣小滿屋都無相避意長仁曰我試觀之乃策杖將一小兒

始入門諸客望其神姿一時退匿

同上

庾亮病術士戴洋曰昔蘇峻事公于白石祠中許賽車

下午從來未解爲此鬼所考不可救也明年亮果亡

靈鬼志謠徵曰文康初鎮武昌出石頭百姓看者于

听歌曰庾公上武昌翩翩如飛鳥庾公還揚州白馬

牽旒旒又曰庾公初上時翩翩如飛鷗庾公還揚州

白馬牽旒車後連徵不入尋薨下都葬焉

見搜神記

庾公乘馬有的盧或語令賣去庾云賣之必有買者卽

復害其主寧可不安已而移于他人哉昔孫叔敖殺

兩頭蛇以爲後人古之美談效之不亦達乎

見世說

庾公權重足傾王公庾在石頭王在冶城坐大風揚塵

王以扇拂塵曰元規塵汚人同上

庾太尉目中郎即庾神氣融散差如得上時人目庾中

郎善于託大長于自藏同上

庾敬頽然淵放莫有動其聽者見晉陽秋

庾敬雖居職任未嘗以事自嬰從容博暢寄通而已是

時天下多故機事屢起有為者拔竒吐異而禍福繼

之敬常默然故憂喜不至也見各士傳

殷顛庾恒並是謝鎮西外孫殷少而率悟庾每不推嘗

俱詣謝公謝公熟視殷曰阿巢故似鎮西于是庾下

聲語曰定何似謝公續復云巢頰似鎮西庾復云頰

似足作健不見世說

孫興公作庾公誄文多託寄之辭既成示庾道恩徐廣晉紀

羲小字道恩庾見慨然送還之曰先君與君自不至于此

同上

庾冰字季堅太尉亮之弟也少有檢操亮常器之曰吾

家晏平仲累遷車騎將軍江州刺史見晉陽秋

庾羲在吳郡吳中童謠曰寧食下湖荇不食上湖蓴庾

吳沒命喪復殺王領軍無幾而庾羲王洽相繼亡見謠

語

庾楷鎮歷陽民歌曰重羅犁重羅犁使君南上無還時

後楷南奔桓玄為玄所誅

同上

庾征西大舉征伐既成行止鎮襄陽殷豫章與書送一

折角如意以調之庾答書曰得所致雖是敗物猶欲

理而用之

見諸語

馬殷領眾浚城壕得石碣有古篆十八其文曰龍舉頭

豸掉尾羊為兄猴作弟羊歸穴猴離次後殷以乾寧

丙辰代立乃龍舉頭也至乾祐辛亥國亡乃豸掉尾

也殷子希範以己未生又以開運丁未薨乃羊歸穴

也又子希崇壬申生後為江南所俘乃猴離次也

見識語

馬希範武穆之嫡子性奢侈嗣位未幾乞依故事置天

策府僚屬于是擢從事有才行者有若都統判官李

鐸靜江府節度判官潘玘武安軍節度判官拓拔坦

都統掌書記李臯鎮南節度判官李莊昭順軍節度

判官徐收澧州觀察判官彭繼英江南觀察判官廖

圖昭順軍觀察判官徐仲雅靜江府掌書記鄧懿文

武平軍節度掌書記李松年鎮南軍節度掌書記衛
曦昭順軍觀察支使彭繼勳武平軍節度推官蕭銖
桂管觀察推官何仲舉武安軍節度巡官孟玄暉容
管節度推官劉昭禹等十八人並爲學士其餘列校
自袁友恭張少敵等各以次授任莫不大興土木以
建康府庭其最爲壯麗者卽有九龍金華等殿等殿
之成也用丹砂塗其壁凡用數十萬斤石每僚吏謁
見將升殿但覺丹砂之氣藹然襲人其費用也皆此
類初教令旣下主者以丹砂非卒致之物相顧憂色

居無何東境山崩湧出丹砂委積如邱陵於是收而
用之契丹南侵聞其事以爲希範非常人遽使冊爲
尚父希範得冊以爲戎虜推奉欣然當之矣

見五代
史補

高郁爲武穆王謀臣莊宗素聞其名及有天下且欲離
間之會武穆王使其子希範入覲莊宗以希範年少
易激發因其敷奏敏速乃撫其背曰國人皆言馬家
社稷必爲高郁所取今有子如此高郁安得取之耶
希範居常嫉郁忽聞莊宗言深以爲然及歸告武穆
請誅之武穆笑曰主上戰爭得天下能用機數以郁

資吾霸業故欲間之耳若梁朝罷王彥章兵權也蓋
 遭此計必至破滅今汝誅郁正落其彀中慎勿言也
 希範以武穆不決禍在朝夕因使誣告郁謀反而族
 滅之自是軍中之政往往失序識者痛之初郁與武
 穆俱起行陣郁貪且僭常以所居之井不甚清澈思
 所以澄汰之乃用銀葉護其四方自內至外皆然謂
 之拓裏其奉養過差皆此類也故莊宗得以媒孽自
 後陰晦中見郁後竟為患爾同上

馬希範常重一僧號報慈長老能入定觀人休咎希範
 因問之曰吾于富貴固無遺恨但不知者壽爾吾師
 以為如何報慈曰大王無憂當與佛齊年希範喜以
 為壽享無窮及薨也止于四十九先是希範常嫉高
 郁之為人因莊宗言而殺之至是方臨江觀競渡置
 酒未及飲而希範忽驚起顧其弟曰高郁來希廣亦
 驚曰高郁死久矣大王勿妄言而希範血自鼻出是
 夜遂卒同上

馬希範唐同光中入貢莊宗問洞庭廣狹對曰洞庭至
 狹若車駕南巡止可飲馬莊宗拊背嘉之見世說補

馬希振殷之子也清泰中卒葬長沙之陶浦掘得石碣
其文曰亂石之壤絕世之岡谷變庚戌馬氏無王蓋
馬氏諸王雄于周廣順辛亥歲遷于江南然其國之
變實在庚戌歲故也

見讖語

馬希萼乾祐元年八月悉調朗州丁壯爲鄉兵造號靜
江軍作戰艦七百艘將攻潭州其妻苑氏諫曰兄弟
相攻勝負皆爲人笑不聽引兵趨長沙希廣聞之曰
朗州吾兄也不可與爭當以國讓之而已劉彥瑫李
弘臯固爭以爲不可乃以岳州刺史王贊爲都部署

戰棹指揮使以彥瑫監其軍大破希萼于僕射洲獲
其戰艦三百艘贊追希萼將及之希廣遣使召之曰
勿傷吾兄贊引兵還希萼乘輕舟遁歸苑氏泣曰禍
將至矣余不忍見也赴井而死

見三楚新錄

靜江節度使馬希瞻以兄希萼希廣交爭屢遣使諫止
不從知終覆族疽發于背卒希萼敗後以書誘辰澧
州及梅山蠻共擊湖南至再至三內以希崇爲應外
以厚賂啖其將許可瓊希萼兵至可瓊舉全軍降長
沙遂陷希廣賜死南唐以希萼爲楚王希萼旣克長

沙不賞許可瓊出為蒙州刺史不存撫役者將卒皆
 怨怒謀作亂希萼宴前吏馬步都指揮使徐威等執
 囚之幽于衡山縣以希崇為武安留後見三楚新錄
 崔樞客居汴與海賈同止其人得疾既篤謂崔曰荷君
 見顧今疾勢不起番人重土殮脫歿君能終始之乎
 崔許之曰某有一珠得之能蹈火赴水至寶也敢以
 奉君崔受之伺無人置于柩中瘞之阡陌後一年崔
 遊丐亳州番婦自南來尋故夫并勘珠所在陳于公
 府乃來毫追捕崔曰儻窺窬不為盜發珠必無他遂

開棺得其珠汴帥王彥謨奇其節欲署為幕崔不肯

明年登第竟主文柄有清名見代醉編

崔立知相州識韓琦于布衣妻以女人服其鑿辟芷居類紀

崔公孺諫議大夫立之子韓魏公夫人之弟性亮直喜

面折人魏公甚嚴憚之見涑水紀聞

陳溥實之裔也弘治中進士授大理寺評事以忤逆瑾
 謫武鄉縣丞稍遷陽曲知縣瑾誅陞戶部主事員外
 郎中奉勅總理大同糧儲尋轉山東布政司右叅議
 守海右道是歲大饑溥冒雪賑恤全活者甚眾因感

疾上疏請歸時年三十有五子棐

見鄆署
雜鈔

陳棐溥長子嘉靖乙未進士授中書舍人改禮科給事

中直言敢諫嘗疏請陳寶薛瑄從祀會再言李忤權

貴謫長垣丞歷刑部員外郎中督學山西以陝西觀

察使擢都御史巡撫甘肅修墩堡備器械邊防經畫

多遠畧以疾致政還卒之日無雲而雷人以為異

同上

王時中任鄆陵縣事嘗出郊旋風擁馬首時中曰冤氣

也跡得屍智井乃婦與所私者殺之遂伏辜召拜御

史見明史
列傳

博陵崔公大德始起進士時議以戚畹疏屬不得拜京

朝官出令鄆陵築城禦寇有司報鄆陵令大最吏治

但鄆陵庠小邑無以展令才移臨漳未行乃歸憂起

補饒陽見鄭若容
北海漫稿

李開先中麓寄鄆陵尹張鳳臺詩折獄由來惟一語法

持三尺不戕民官清莫謂衙齋洽仁被閭閻暖似春

舊政煩苛從實減新來戶口不虛增拔葵飲水真廉

吏會有天書早見徵原註初任平湖再任鄆陵俱有

德政見開
居集



貴池吳樓山著復社姓氏二卷計千六百餘人鄆陵有

姓氏者四人鄭蕃韓則愈梁為舟梁為虹

見復社錄

崇正末年乾明寺金剛像兩眼流淚無何流賊破城

見鄭

中丞眼到錄

鄆陵梁熙哲次與予乙未同年進士榜下未相識戊戌予觀政兵部寓居慈仁寺梁適自咸寧令減俸行取入都亦寓寺中始與往還叩其所學最博尤深禪理長齋却掃如退院禪自是定交莫逆梁以己亥入臺為雲南道御史今已歸日讀佛書醫書其同門友王

尚書日藻巡撫河南以書招之謝不往餽遺一無所

受

見阮亭居易錄

長洲文黠衡山裔孫畫有家法嘗為鄆陵梁曰緝作江却讀書圖汪苕文琬題詩云鄆陵野色平如掌也有江南此景無余見之曰吳子乃爾輕薄耶苕文笑曰子勿多言且及子乃賦一絕云髣髴春江綠樹陰幾回掩卷幾沉吟江南與汝干何事賦得愁心爾許深以余詩有江花江鳥不相識寫向丹青俱眼明之句

云

見分甘餘話

梁侍御自顏其齋曰哲次予不曉斯義每相咨問梁曰
身固願居曾哲之次意蓋以狷者自命也予與葉編

修芳藹同作齋記

見鈍翁
說鈴

侍御假歸予乞文與也作哲次齋圖寄之齋前繪一梧
一石一鶴予復跋之云先生齋中未必有是數物也

聊以寓清標逸况耳

同上

盤餐老夫食分減及池魚曰緝先生嘗言分減二字出
華嚴經十無盡藏品中從來賤注無及此予遂檢華
嚴經視之菩薩有分減施竭盡施內施外施內外施

一切施過去施未來施見在施究竟施是爲十種施

因歎曰緝之善讀書也曰緝問學淹博其論說古今

人詩文率解人頤今日偶閱杜詩述此一事爾

同上

錢躡字七政少英偉喜談兵洞悉機要戊午登武榜癸
未同曹爾祿北上次真定遇山東王武舉號象山者
一言契合成莫逆至都同寓屆塲期象山疾作躡已
得上選及內塲象山病危躡曰吾不可以功名棄吾
友人勸之堅不可抵晚象山卒爲買棺成殮送其柩
回里途次薄暮迷失路忽火炬照前隨至一莊叩門

借宿主人衣冠甚偉流連欵曲雞鳴辭去至象山家
問所宿處主人姓字咸驚曰吾先人也方知昨在其
塋宿耳未幾告行出金帛相酬躡不受乃贈劍一鞭
一以歸增

祥異前代俱無攷成化以後聞見所知者錄之以徵所感

明

成化二十年大饑流民四集互掠人以食

弘治七年大熟麥斗十錢米價纔倍之

正德元年七月見星如月在西南樹端識者曰景星
也是年世宗降生藩底是為瑞應

正德五年六月城東嘉禾同穎環劉氏祖塋尤多是
年鄉民譎傳兵至相率移家城中居城者則又外
徙數月乃定既而盜起河北為七年兵燹之應

正德十二年城東南嘉禾同穎知縣龍章申達監司
嘉靖元年元日地大震聲如山推室如舟仄野樹枝
如拂地一夜動百餘次屋仆者相望旬日始寧是
歲大同兵叛河南上班軍聞變逋散絡繹于道豈
其應歟

嘉靖八年歲侵穀貴比屋絕炊人覓野菜以食葶盈
路

嘉靖十五年七月蒼龍見空中爪尾儼然已而大雷
雨是年二月新街居民李鼎家牛產一犢二首四

足兩尾墮地卽斃十月東南流一大星如彗火光
照地至西北聲如雷者三無何有隣寇之變

萬曆十八年三月三日申時黑風自乾來晦冥至夜
半始見星鍊器皆有火光

萬曆四十四年六月蝗自東來城內外積厚寸餘秋
禾無存次年亦復如是

萬曆四十六年七月夜地震自西北向東南聲如雷
鳴

萬曆四十八年七月初出有星如盤自西東流直

犯入日中是日神宗崩

崇正五年河决孟津口横溢數百里六月二十二日
水至鄆陵漂没衝激城不浸者數版

崇正六年春雀巢樹上形如瓠瓜百十為羣共處一
巢識者謂雀木巢于屋簷今變異如此有人民離
家之象冬月流寇渡河百姓棄鄉井入保城中儼
同雀巢是年秋鄆境內多燐火如萬燈羅列甚有
光大如缸者又十二月晦黑雲瀾漫雷電交作大
雨如注移時方霽

崇正十年六月有蝗自山東來蔽野斷青歲大饑明
年蝗復生倍之

崇正十三年春暴風揚沙色赤如血自正月不雨至
五六月禾盡槁秋冬大饑斗米三千餘錢餓殍載
道土寇蜂起母食其子妻烹其夫于是樹皮盡白
野菜麥根繼之白骨如莽城守戒嚴道路遂阻

崇正十四年春兵荒交至夏四月始解嚴瘟疫徧行
十二月十二日流賊泊城戰守皆無具未幾遂破
知縣劉振之典史杜邦舉被執不屈大罵賊磔之

國朝

順治十三年四月暴風自西北揚沙蔽天黑如晦拔
樹徹屋竟夕乃已

順治十五年冬霪雨自十月至明年三月河水大溢
積潦橫流秋麥盡廢

康熙十六年歲豐穀賤

康熙十八年麥秋豐登

康熙四十二年歉收穀價騰貴

康熙四十八年四月大雨連綿麥禾盡沒秋亦歉收

是年冬月穀價騰貴異常

康熙四十九年大熟

康熙五十三年六月二十四日地震

康熙六十一年日初出無光輪轉不止凡數日

雍正三年大熟麥秋豐登

雍正五年麥秀兩岐穀雙穗且有登三穗者邑民咸
慶大有

雍正八年大雨連綿秋禾淹沒十之六七窮民無告
憲檄賑濟五個月

雍正十三年五月十一日大水

乾隆四年六月十四日大水泛漲縣北深兩丈餘禾

盡淹村莊多衝壞穿岡觸城垣墉多圯東北兩面

尤甚縣南迤邐六十餘里幾成澤國七月復大水

九月初九日水又泛漲二麥旋種旋淹苗無存者

有司詳七分災奉

旨蠲免錢糧開倉賑濟

乾隆五年六七月間徧境皆蝗縣南尤甚秋禾被損

傷穀騰貴

乾隆七年二月初十日地震有聲自西北而東南如

空磨鳴房屋皆動是年六月大水田禾多沒

乾隆十年三月初六日烈風異常窻櫺皆作紅赤色

乾隆十二年蒙

恩旨普免錢糧

乾隆十五年大熟

乾隆十六年陽武黃流漫口偏災奉

旨蠲免錢糧

乾隆二十一年多暴風晝夜不止麥秋價騰貴

乾隆二十二年三月多雨夏大水平地水深丈餘麥
禾俱壞奉

旨普免錢糧發帑賑濟自十月放賑起至次年二月止

乾隆二十三年大熟

乾隆二十五年大熟

乾隆三十一年奉

恩旨普免漕米

乾隆三十五年普免錢糧

乾隆三十六年六月城西雨隅嘉禾同穎

